

Kantonalna uprava civilne zaštite, na osnovu člana 13. stav 1. Odluke o dodjeli finansijske pomoći gradovima i općinama iz sredstava posebne naknade za zaštitu od prirodnih i drugih nesreća („Službene novine Tuzlanskog kantona“ broj 1/24), objavljuje

JAVNI POZIV
za opremanje gradskih/općinskih struktura civilne zaštite

I Predmet javnog poziva i korisnici sredstava

Predmet javnog poziva je dodjela finansijskih sredstava za sufinansiranje opremanja gradskih/općinskih struktura civilne zaštite (štab civilne zaštite, operativni centar, službe zaštite i spašavanja, jedinice civilne zaštite i povjerenici civilne zaštite), kojima po prethodnom javnom pozivu nisu dodijeljena sredstva za opremanje, u ukupnom iznosu **1.100.000,00 KM**.

Na javni poziv se mogu prijaviti gradovi i općine sa područja Tuzlanskog kantona (u daljem tekstu: Kanton) kojima po prethodnom javnom pozivu nisu dodijeljena sredstva za opremanje struktura civilne zaštite i to: Banovići, Čelić, Doboj Istok, Gradačac, Kalesija, Lukavac, Sapna, Srebrenik, Tuzla i Živinice.

Kantonalna uprava civilne zaštite (u daljem tekstu: Kantonalna uprava) učestvuje u sufinansiranju opremanja gradskih/općinskih struktura civilne zaštite u sljedećim iznosima:

- maksimalno 80% vrijednosti konkretnog projekta ili aktivnosti za općine i gradove čiji prihodi ostvareni po osnovu posebne naknade za zaštitu od prirodnih i drugih nesreća iznose do 3% od ukupno prikupljenih sredstava posebne naknade koja pripadaju općinama i gradovima na području Kantona u godini koja prethodi godini u kojoj se raspisuje javni poziv za dodjelu sredstava,
- maksimalno 60% vrijednosti konkretnog projekta ili aktivnosti za općine i gradove čiji prihodi ostvareni po osnovu posebne naknade za zaštitu od prirodnih i drugih nesreća iznose od 3-7% od ukupno prikupljenih sredstava posebne naknade koja pripadaju općinama i gradovima na području Kantona u godini koja prethodi godini u kojoj se raspisuje javni poziv za dodjelu sredstava i
- maksimalno 50% vrijednosti konkretnog projekta ili aktivnosti za općine i gradove čiji prihodi ostvareni po osnovu posebne naknade za zaštitu od prirodnih i drugih nesreća iznose od 7% i više od ukupno prikupljenih sredstava posebne naknade koja pripadaju općinama i gradovima na području Kantona u godini koja prethodi godini u kojoj se raspisuje javni poziv za dodjelu sredstava.

Izuzetno, ako gradovi i općine apliciraju za projekte nabavke putničkih i terenskih motornih vozila, dužni su sufinansirati:

- minimalno 50% vrijednosti konkretnog projekta za gradove i općine čiji prihodi ostvareni po osnovu posebne naknade za zaštitu od prirodnih i drugih nesreća iznose do 3% od ukupno prikupljenih sredstava posebne naknade koja pripadaju gradovima i općinama na području Kantona u godini koja prethodi godini u kojoj se raspisuje javni poziv za dodjelu sredstava,
- minimalno 60% vrijednosti konkretnog projekta za gradove i općine čiji prihodi ostvareni po osnovu posebne naknade za zaštitu od prirodnih i drugih nesreća iznose od 3% do 7% od ukupno prikupljenih sredstava posebne naknade koja pripadaju gradovima i općinama na području Kantona u godini koja prethodi godini u kojoj se raspisuje javni poziv za dodjelu sredstava i

- minimalno 70% vrijednosti konkretnog projekta ili aktivnosti za gradove i općine čiji prihodi ostvareni po osnovu posebne naknade za zaštitu od prirodnih i drugih nesreća iznose 7% i više od ukupno prikupljenih sredstava posebne naknade koja pripadaju gradovima i općinama na području Kantona u godini koja prethodi godini u kojoj se raspisuje javni poziv za dodjelu sredstava.

II Uslovi za dodjelu sredstava

Financijska sredstva po ovom javnom pozivu se mogu dodijeliti gradovima i općinama Kantona koji ispunjavaju sljedeće uslove:

- a) da je formirana služba civilne zaštite grada/općine, u skladu sa članom 31. Zakona o zaštiti i spašavanju,
- b) da je formiran gradski/općinski štab civilne zaštite,
- c) da je donesena procjena ugroženosti grada/općine od prirodnih i drugih nesreća,
- d) da je donesen plan zaštite i spašavanja od prirodnih i drugih nesreća grada/općine,
- e) da je donesen program razvoja zaštite i spašavanja grada/općine,
- f) da grad/općine ima organizovane strukture civilne zaštite,
- g) da se sredstva posebne naknade vode na posebnom namjenskom transakcijskom računu.

III Kriteriji za dodjelu pomoći

1. Utrošena sredstva u budžetu grada/općine za zaštitu i spašavanje u prethodnoj godini (bez sredstava posebne naknade):
 - a) veća od 0,5 % budžeta grada/općine10 bodova
 - b) od 0,3 % do 0,5 % budžeta grada/općine8 bodova
 - c) do 0,3% budžeta grada/općine4 boda
 - d) nisu planirana sredstva u budžetu grada/općine0 bodova
2. Vrijednost projekta opremanja struktura:
 - planirana vrijednost projekta do 10.000,00 KM2 boda
 - planirana vrijednost projekta 10.000,00 – 20.000,00 KM4 boda
 - planirana vrijednost projekta 20.000,00 – 50.000,00 KM6 bodova
 - planirana vrijednost projekta preko 50.000,00 KM10 bodova

IV Ograničenja za dodjelu sredstava

Sredstva se ne mogu dodjeljivati gradovima i općinama:

- a) koji nisu u propisanom roku opravdali namjenski utrošak sredstava dodijeljenih u prethodnim godinama iz sredstava posebne naknade koje pripadaju Kantonu
- b) za nabavku opreme koja nije propisana kao neophodna za strukture civilne zaštite
- c) kojima su od strane Kantonalne uprave civilne zaštite i iz Budžeta Kantona sredstva za istu opremu dodijeljena po prethodnom javnom pozivu/projektu opremanja gradskih/općinskih struktura civilne zaštite. Ograničenje se ne odnosi na dodjelu sredstava iz kojih su gradovi/općine nabavili rabljenu opremu po prethodnom javnom pozivu/projektu Kantonalne uprave.

Gradovi i općine mogu kandidirati najviše dva projekta. Ukupna vrijednost projekata za koje aplicira grad ili općina može iznositi maksimalno 12% od vrijednosti sredstava za sufinansiranje koja se dodjeljuju putem javnog poziva, odnosno ukupna vrijednost projekata ne može biti veća od 132.000,00 KM.

Izuzetno, kada je riječ o projektu od posebnog značaja, grad/općina može aplicirati za projekat/aktivnosti čija je vrijednost veća od 12% od vrijednosti sredstava za sufinansiranje koja se dodjeljuju putem javnog poziva. U tom slučaju, visina učešća Kantonalne uprave u sufinansiranju projekta/aktivnosti se ne mijenja u odnosu na visinu utvrđenu u prethodnom stavu.

V Potrebna dokumentacija

Prijavu na javni poziv podnosi gradonačelnik/općinski načelnik na obrascima PN-1 i PN-2 i uz istu prilaže sljedeću dokumentaciju:

- a) dokaz da je formirana služba civilne zaštite grada/općine, u skladu sa članom 31. Zakona o zaštiti i spašavanju (izvod iz Pravilnika o unutrašnjoj organizaciji, odluka o osnivanju službe ili drugi dokaz);
- b) dokaz da je formiran gradski/općinski štab civilne zaštite (odluka/rješenje o formiranju štaba);
- c) dokaz da je donesena procjena ugroženosti grada/općine od prirodnih i drugih nesreća (akt o usvajanju procjene);
- d) dokaz da je donesen plan zaštite i spašavanja od prirodnih i drugih nesreća grada/općine (akt o usvajanju važećeg plana);
- e) dokaz da je donesen program razvoja zaštite i spašavanja grada/općine (akt o usvajanju važećeg programa);
- f) dokaz da grad/općina ima organizovane strukture civilne zaštite (odluka ili drugi akt o organizovanju jedinica, službi i drugih struktura civilne zaštite);
- g) dokaz da se sredstva posebne naknade vode na posebnom namjenskom transakcijskom računu (ugovor sa bankom, potvrda banke ili drugi relevantan dokument);
- h) dokaz o iznosu utrošenih sredstava u budžetu grada/općine za zaštitu i spašavanje u prethodnoj godini, bez sredstava posebne naknade (ugovori o nabavci, nalog za plaćanje, uvjerenje službe za finansije i dr. iz kojih se nedvosmisleno može utvrditi da su projekti zaštite i spašavanja finansirani iz budžetskih sredstava). Gradovi i općine koji nisu utrošili sredstva iz budžeta za ove namjene dužni su dostaviti ovjerenu izjavu gradonačelnika/načelnika u kojoj će biti navedeno da nisu utrošena budžetska sredstva za zaštitu i spašavanje u prethodnoj godini.

Prijava na javni poziv mora sadržavati podatke u koju svrhu i u kojem iznosu se pomoć traži (uz obaveznu naznaku na koju strukturu civilne zaštite se projekat odnosi) te detaljno obrazloženje planiranih aktivnosti, a grad/općina su dužni u aplicirati za projekte i aktivnosti koji su planirani, pripremljeni i objektivno izvodivi u utvrđenim rokovima.

Svi dokazi se dostavljaju kao original ili ovjerena fotokopija.

VI Rok za podnošenje prijava

Prijava na javni poziv se podnosi u roku od 10 dana od objave na internet stranici Kantonalne uprave www.kucztk.com.ba, a zaključno sa 25.04.2024. godine.

VII Posebne napomene

- Nepotpune i neblagovremene prijave se neće uzeti u razmatranje
- Sredstva nabavljena putem ovog javnog poziva ne mogu se prenositi u vlasništvo trećim licima, ustanovama, javnim institucijama, preduzećima i sl.

Prijave se dostavljaju Kantonalnoj upravi civilne zaštite, u zatvorenoj koverti putem Centralne pisarnice kantonalnih organa uprave Fra Grge Martića 8, Tuzla, sa naznakom:

„Prijava na javni poziv za opremanje gradskih/općinskih struktura civilne zaštite –
NE OTVARATI“

Broj: 18/1-11-009321/24
Datum: 15.04.2024. godine



Zoran Jovanović
DIREKTOR
Zoran Jovanović